



RAPORT INFORMUES

MARS – MAJ 2020

VENDIMMARRJA NË KËSHILLIN BASHKIAK TIRANË GJATË SITUATËS SË COVID 19



Qëndresa Qytetare

monitoron vendimmarjen dhe përfshirjen e qytetarëve në Këshillin Bashkiak Tiranë në kuadër të nismës **QytetarIn** ku përfshihen efektet dhe impaktin ekonomik-social të vendimeve të Këshillit Bashkiak Tiranë me synimin për të garantuar **transaprencë**, **ilogaridhënie si dhe lehtësuar informimin e qytetarëve** mbi këtë vendimmarje. Nismë e mbështetur nga Lëviz Albania, projekt i Agjencise Zvicerane per Zhvillim dhe Bashkëpunim SDC.



www.QytetarIn.com



BASHKIA/TËRMETI

SHKOLLA "SAMI FRASHËRI" MES RINDËRTIMIT APO RIKONSTRUKSIONIT?

Këshilli Bashkiak

Bazuar në Aktin Normativ Nr. 9, datë 16.12.2019, të qeverisë "Për përballimin e pasojave të fatkeqësisë natyrore", miratuar me ligjin nr. 97/2017 objektet e shpallura të pabanueshme nga Instituti i Ndërtimit i nënshtrohen ekspertizës së thelluar nga Bashkitë.

Pas akt ekspertizës së thelluar nga Bashkia Tiranë arriti në përfundimin se struktura e objektit në gjendjen ekzistuese nuk i plotëson kushtet e sigurisë dhe qëndrueshmërisë dhe duhet t'i nënshtrohet projektit të përforcim restaurimit. Kostoja e rikonstruksionit të hartuar në këtë ekspertizë të thlluar është në vlerën 1.31 milion euro ndërsa vlera e ndërtimit të objektit **nga e para referuar kostove ndërtimore në treg** është e barabartë me rreth 1.6 milion euro.

Nga analiza e kësaj ekspertize dhe vlerës së punimeve të rikonstruksionit **Këshilli Bashkiak vendosi që "Gjimnazi Sami Frashëri", Tiranë, duhet të prishet dhe të ndërtohet e re.**



Investimi i fundit

Shkolla u **rikonstruktua në vitin 2018**. Në atë kohë, u rikonstruktuan fushat sportive brenda dhe jashtë shkollës, sallat e zhveshjes, dyert e klasave, si dhe laboratorët shkencorë (biologji, kimi dhe informatikë).



Komuniteti

60 vjet shkollë dhe nostaljji e brezave të shumë artisteve, figurave publike, politikanëve të cilët nuk u dakordsuan me këtë veprim të Bashkisë Tiranë i cili u shoqërua me reagime dhe debate të shumta për të ruajtur vlerat e këtij objekti dhe memories kolektive të cilët e percollën shëmbjen e ketij objektime polemika



Qytetaret nuk u pyet dhe nuk pati konsultim me banorët e lagjes apo ata të cilët e frekuentojnë shkollën.



Nuk iu nënshtrua një debati publik pasi shkolla u prish 3 ditë pas vendimarrjes në Këshillin Bashkiak. Qytetarët nuk patën mundësi as të informohen mbi veprimin në kohë pandemie dhe mungese transparencë.

NDIHMË FINANCIARE PËR 10 FAMILJE TË PREKURA NGA DËMET E TËRMETIT DHE PËRMBYTJES NË VLERËN 46.000 EURO

Këshilli Bashkiak

Në datën 17 Mars Këshilli Bashkiak ka akorduar një shumë financiare ne vlerën e **46.000 eurove për 10 familje** që kanë pësuar dëme ndërtimore (në masën 50% të demit) dhe në orendi/pajisje elektroshëtëpiake (vlera në masën 100% të demit), si pasojë e tërmeteve dhe përmbytjeve. Përkatësisht një familje e dëmtuar nga tërmeti i dates 04.07.2017, një familje e dëmtuar nga tërmeti i dates 11.08.2017, shtatë familje të dëmtuara nga rreshjet dhe përmbytjet e dative 30.11.2017 dhe 01.12.2017 dhe një familje e dëmtuar nga tërmeti i dates 21.09.2019. Vetëm kësaj tē fundit i është akorduar vlera e ndihmës financiare në masën 40% të vlerës totale të ndihmës për këto 10 familje. **Në këtë listë nuk është përfshirë asnjë familje e dëmtuar nga tërmeti i dates 26.11.2019.** 60 % e vlerës së ndihmës financiare është e mbartur nga detyrimet e dhënies së kësaj ndihme në vitin 2017.

Investigim/Media/Komuniteti

! Bashkia Tiranë harron dëmet e tërmetit të 26 Nentorit. Në 3 muaj u ndihmuani vetëm 10 nga 500 familjet e dëmtuara nga tërmeti i 21 shtatorit.

! Banorët e pallaveve të dëmtuara të rikthyer në to shprehen se skanë siguri.

! Bashkia nuk ka asnjë strategji publike konkrete se si do të veprohet me banorët e pallaveve të dëmtuara nga tërmetit i 26 nëntorit.



BONUS QERAJE TËRMETI 14.000 EURO/MUAJ PËR 88 FAMILJE

Këshilli Bashkiak

Në muajin Mars 2020 Këshilli Bashkiak Tiranë vendosi të miratojë **pagesë të plotë qeraje për 88 familje**, banesat e të cilave janë dëmtuar si rezultat i tërmetit të datës 26.11.2019. Shuma mujore në dispozicion të këtij vendimi është **14.000 euro ndërsa në total për periudhën 1 vjecare 168.000 euro**. Shuma për secilën familje është përcaktuar në varësi të strukturës së banesës që përfitojnë në bazë të nr të antarëve të familjes. Nga lista kuptohet që janë përcaktuar bonuse për banesa 1+1 për deri në 3 anëtar me vlerën 147 euro dhe banesa 2+1 për 4-6 antarë me vlerën 180 euro. Vetëm një familje me 7 antarë ka përfituar vlerën 221 euro në muaj përnjë banesë 3+1.



BASHKIA COVID 19

PASTRIMI I QYTETIT - RISHIKIMI I KONTRATAVE ME OPERTORËT E PASTRIMIT DHE TRANSPORTIT

Këshilli Bashkiak



Këshilli Bashkiak Tiranë ka **miratuar rishikimin e 5 kontratave me operatorët e pastrimit të qytetit** me qëllim shtimin e frekuencës për grumbullimin dhe transportimin e mbeturinave urbane dhe larja dhe dezinfektimi i kontejnerëve në funksion të pastrimit.

Afat i amendimit të këtyre kontratave është në varësi të periudhës së zgjatjes së pandemicës së Covid19. **Efekti finanziar i rishikimit të kontratave me operatorët e pastrimit përllogaritet në vlerën 7800 euro me TVSH për ditë** dhe për periudhën e deritanishme 60 ditore kjo vlerë përllogaritet në masën **468,000 euro**.

Këshilli Bashkiak Tiranë **gjithashtu ka rishikuar 3 kontrata me operatorët e transportit publik për periudhën e Covid 19** për ofrimin e këtij shërbimi vetëm në funksion të personelit dhe stafit mjekësor.



<https://www.faxweb.al/do-rrisim-cminin-e-biletet-kryetari-i-shqates-se-transporteve-paralajmeron-geverine/>

Vezhgm



Pavarësisht se në vendim thuhet se shpenzimet për ofrimin e këtij shërbimi mbulohen nga buxheti i Bashkisë Tiranë për vitin 2020 të miratuarat për këtë qëllim, ne dokument **nuk ka asnje vlerë shtesë** për këtë riorganizim të transportit publik.



Por nga monitorimi i bërë **nëpërmjet të dhënavë të thesarit të publikuara nga Open Data Albania** deri tani janë paguar vetëm ndaj **2 prej 3 operatorëve të transportit publik**, përkatësisht Tirana Lines dhe Shega Trans që ju është bërë amendimi i kontratës **vlerën prej 108,000 euro**.



Ndërkohe Shoqata e transportit interurban ka paralajmëruar rritjen e cmimit të transportit për shkak të humbjeve të krisës dhe i ka drejtuar kërkësë Bashkisë Tiranë për ulje të taksave.



DEZINFECTIMI - PAKËSIM I FONDIT TË EMERGJENCAVE CIVILE, ASNJË SHTIMNË BUHET

Këshilli Bashkiak

Këshilli Bashkiak Tiranë në fillim të muajit Prill ka marrë vendimin për realizimin e procesit të dezinfektimit në territorin e Bashkisë Tiranë duke ja ngarkuar këtë detyrë Drejtorisësë Përgjithshme të Objekteve Publike e cila përcaktoi edhe zonat që do të përfshihen në dezinfektim për periudhën e prekjes nga Covid 19.

Shpenzimet financiare do të përballohen duke pakësuar fondin emergjencave civile të miratuar në buxhetin e Bashkisë Tiranë për vitin 2020, 228 000 euro dhe duke e shpërndarë (rialokuar) këtë fond sipas zërave në buxhetin e Drejtorisë së Përgjithshme të Objekteve Publike: **shpenzime operative në masën 205,000 euro** dhe **pajisje disinfektkimi në vlerën 23,000 euro**. Shpenzimi i këtij foni nga Drejtoria e Përgjithshme e Objekteve Publike duhet të kryhet gjatë gjithë periudhës së zgjatjes së infeksionit të shkaktuар nga COVID-19

PAKOT USHQIMORE TË KOPSHTeve PUBLIK, I VETMI KONTRIBUT USHQIMOR PËR FAMILJET NË NEVOJË NGA BASHKIA TIRANË.

Këshilli Bashkiak

Pakot ushqimore të cilat janë ndarë për familjet në nevojë nga buxheti i bashkisë Tiranë kanë qënë ato të mbetur pa u përdorur në kopshtet dhe çerdhet publike pas mbylljes së tyre për shkak të pandemisë botërore. **Nëpërmjet vendimit të muajit mars** Këshilli Bashkiak Tiranëka vodosur shpërndarjen e ushqimeve të mbetur në kopshte për familejt nënevojë dhe ndërprerjen e kontratave me furnitorët nga ana e kopshteve. Në vendimin e Këshillit Bashkiak nuk saktësohet as sasia e ushqimeve dhe as procedura në rastin e zgjatjes së pandemisë botërore, sic edhe ndodhi.





BASHKIA/COVID 19

**LEHTËSIRAT PËR BIZNESIN
SHTYRJE E AFATIT ME DY MUAJ.
REDUKTIM VETËM PËR TARIFËN
E HAPËSIRËS PUBLIKE.**

Këshilli Bashkiak

Në kuadër të marrjes së masave për lehtësimin e shërbimeve ndaj qytetarëve dhe të barrës fiskale ndaj bizneseve, për shkak të situatës së krijuar nga infekzioni COVID-19, Këshilli Bashkiak Tiranë vendosi:

- Shtyrjen e afatit të aplikimit të muajit mars për programin social të strehimit "Subvecion i qirasë", deri në datën 10 Prill 2020.**
- Shtyrjen e afatit të aplikimit për të përfituar nga programi "Subvencionimi i interesave të kredisë" deri në datën 17 maj 2020.**
- Shtyrjen e afatit të këstuit të pagesës së taksave dhe tarifave vendore, nga muaji Prill për në fund të muajit Qershor 2020.**
- Përjashtimin e bizneseve nga tarifa e zënies të hapsirës publike për muajin Mars-Prill 2020**



KËSHILLI BASHKIAK I HEQ KRYETARIT DHE MË TË PAGUARVE TË BASHKISË 50% TË RROGËS PËR MUAJIN PRILL SI KONTRIBUT PËR BUXHETIN ANTI-COVID.

Këshilli Bashkiak

Në fillim të muajit Prill Këshilli Bashkiak Tiranë ka vendosur që **Kryetarit të Bashkisë t'i reduktohet më 50% rroga neto duke filluar nga 1 Prill deri në përfundim të pandemisë, por jo më shumë se tri muaj, ndërsa**

Nëpunësit që janë anëtarë në borde dhe këshilla mbikëqyrës/administrimi të shoqërive aksionare me kapital mbi 50 % në pronësi të Bashkisë Tiranë nuk e përfitojnë shpërblimin përkatë nga këto angazhime për të njëjtën periudhë.

Gjithashtu për muajin Prill 2020 **Nënkytarët e Bashkisë do të përfitojnë pagën në masën 50% të pagesës neto.** Këto të ardhura do të derdhen në buxhetin e shtetit, në llogarinë antiCOVID-19.



PËRBALLIMIN E SHPENZIMEVE TË VARRIMIT PËR VIKTIMAT QË HUMBIN JETËN NGA INFEKSIONI COVID-19, NË BASHKINË E TIRANËS

Këshilli Bashkiak

Po në fillim të Prillit, Këshilli Bashkiak vendosi përballimin e shpenzimeve të varrimit në varrezat publike nga Bashkia Tiranë për viktimat që humbin jetën nga infekzioni Covid-19.

Sipas parashikimeve të këtij vendimi, shpenzimet përballohen për viktimat që kanë vendbanimin në Bashkinë Tiranë dhe për zbatimin e këtij vendimi ngarkohen Agjencia e Shërbimeve Funerale dhe Drejtoria e Përgjithshme e Menaxhimit Financiar.

Efektet financiare, të cilat nuk parashikohen deri në cfarë vlere shkojnë, sipas këtij vendimi do të përballohen nga buxheti i miratuar për Agjencinë e Shërbimeve Funeral për vitin 2020.





BASHKIA/PRONAT

**QYTETI STUDENTI
“PËRTHITH” KONVIKTET E UBT**

Këshilli Bashkiak

Këshilli Bashkiak Tiranë ka vendlodur më 29 Prill që shoqëria “Ndërmarrja e Trajimit të Studentëve nr. 3” (Konviktet e UBT) t'i kalojnë në pronësi dhe administrim Rezidencës Studentore Universitare Nr.1 (Qytetit Studenti). Si pasojë e këtij bashkimi me përfitje kapitali i shoqërisë së përthithu (Konviktet e UBT) çregjistrohet ng QKR dhe ky kapital i kalon në pronësi shoqërisë së Qytetit Studenti.



PPP - KËSHILLI BASHKIAK TIRANË I “FAL” STARTEK SHPK 1364 METRA KATRORË NË RRUGËN E KAVAJËS

Këshilli Bashkiak

Këshilli Bashkiak miratoi në Mbledhjen e datë 29 Prill marrëveshjen mes Bashkisë Tiranë dhe kompanisë STARTEK Shpk të cilës i jep të drejtë të zhvillojë disa prona të Bashkisë në zonën kadastrale 8250, në Rrugën e Kavajës. Në këmbim, Bashkia e Tiranës, si pronare, do të marrë **40% të sipërfaqes, që do ta përdorë për nevojat e veta.**

Bashkia zoteron në zonën kadastrale 8250 tre pasuri, me një sipërfaqe totale prej 1364 metra katror. Kompania, nga ana e saj ka lidhur në kufi me këto zona, një kontratë sipërmarrjeje me pronarët e tokës prej 682 m², për ndërtimin e një godine banimi dhe shërbimesh.

Zona ka një pozicion mjaft të favorshëm në qytetin e Tiranës. Ajo aksesohet nga dy rrugë të rëndësishme “Muhamet Gjollesha” dhe Bulevardi Gjergj Fishta. Në tërësi godina do të ketë destinacion miks, banim dhe njësi tregtare dhe një kat parkim nëntokë. Këshilli Bashkiak thekson se bashkia do e përdorë pjesën e konsiderueshme prej 40% që do të marrë nga ndërtimet për nevojat e saj si kopshte, çerdhe, ose ambiente përstrehim social.

Bazuar në një vendim të miratuar në fillim të këtij viti, “Për përcaktimin e procedurës dhe negocimin me zhvilluesit privatë që shprehin interesin që të bashkëpunojnë me Bashkinë e Tiranës, nëpërmjet marrëveshjeje të sipërmarrjes/shkëmbimit për pronat në pronësi të saj mund t’i japë pronat e saj për zhvillim bizneseve private, sipas modelit të Partneritetit Publik-Privat. Nëpërmjet këtij modeli të zhvillimit të pronave të saj, vendimi thotë se synonohet që bashkia të përfitojë sipërfaqe ndërtimore, për programe sociale dhe ambiente për nevojat e saj.



Ky vendim u shoqërua nga reagimet e mediave investigative, me mungesa të konsultimit publik me banorët e zonës dhe pa seancë dëgjimore mbi këtë vendimmarje



SHËRBIMI VULLNETAR

KRIJOHET SHËRBIMI VULLNETAR PËR MBROJTJEN NGA ZJARRI NË BASHKINE TIRANË

Këshilli Bashkiak

Këshilli Bashkiak Tiranë vendosi në 29 prill 2020 për Krijimin e shërbimit vullnetar për mbrojtjen nga zjarri dhe shpëtimi në Bashkinë Tiranë.

Ky shërbim do të ketë në përbërje **70 vullnetarë** dhe dhe ka si mision kryesor rritjen e angazhimit qytetar dhe dhëni e kontributit vullnetar për parandalimin dhe ndërhyrjen për shuarjen e zjarreve, shpëtimin e jetës, si dhe menaxhimin e fatkeqësive të tjera dhe zgogëlimin e pasojave të tyre në territorin e Bashkisë





BASHKIA/**BUXHETI**

BASHKIA TIRANË TRASHËGON 24.5 MILION EURO NGA VITI 2019

Këshilli Bashkiak

Më 17 Mars Këshilli Bashkiak mori vendimin "Për miratimin e programit buxhetor afatmesëm 2020-2022 dhe detajimin e buxhetit të Bashkisë së Tiranës për vitin 2020", bëhen këto shtesa e ndryshime:

Në nënpikën 1 të pikës 1 të vendimit, miratohet një shtesë fondesh në shumën 24,500,000 euro sipas akt-rakordimit me Degën e Thesarit Tirana. Kjo shtesë fondesh në buxhetin e 2020 vjen si mbartje nga fonde të trashëgura apo të pa shpenzuara nga buxheti i viti 2019 dhe përbëhet nga:



- Fondet e trashëgura nga të ardhurat e Bashkisë për vitin 2019, në shumën 19,200,000 euro.

- Fondet e trashëgura nga transfera e pakushtëuar sektoriale e përgjithshme për vitin 2019, në shumën 5,300,000 euro.

BASHKIA/**RRUGËT**

KORSITË E BICIKLETAVE NË RRUGËN "MYSLYM SHYRI", KUNDËRSHTIME NGA BIZNESI DHE BANORËT.

Këshilli Bashkiak

Bashkia Tirana ka përfshirë së fundmi rrugën Myslym Shyri në projektin e saj për korsi bicikletash, projekt i cili parashikon ngushtimin e rrugës së makinave dhe ndalimin e parkimit. Kjo ka shqetësuar bizneset dhe banorët e zonës, të cilët e ndjejnë veten të anashkaluar nga vendimmarja dhe të vënë përballë një rreziku ekonomik pasi zona nuk ka hapësira të tjera për parkim. Sipas burimeve të exit.al rreth 250 biznese që u hapën të hënën në rrugën Myslym Shyri e patën të vështirë të siguronin parkim për punonjësit, furnitorët, apo dhe klientët.

Vëzhgim/Komunitet

Punonjës të bashkisë kishin vendosur hekura duke bllokuar pjesën dërrmuese të vendparkimeve, të cilat prej më shumë se 2 vitesh janë me pagesë, disa të personalizuara për bizneset. Ana buzë trottuarit pritet të kthehet në korsi bicikletash. Por shumica e bizneseve dhe banorët e zonës janë kundër këtij projekti.

Ndryshimi i korsive nuk erdhi si rezultat i konsultimit me banorët dhe bizneset e zonës

Bashkia e ndërmorri veprimin në mungesë transparency. Tregëtarët ulën qepenat në shenjë proteste por nuk pati asnjë reagim nga Bashkia. Tiranës e cila vijoi me projekte të saj për korsinë e bicikletave. Ataofrojnë edhe alternative duke u shprehur për Citizens Channel se korsitë mund të ishin integruar edhe ne trottuar.



BASHKIA TEATRI

VENDIM I KESHILLIT BASHKIAK PËR PRISHJEN E TEATRIT KOMBËTAR DHE DINAMIKA E NGJARJES

Këshilli Bashkiak

Në Datën 14 Maj 2020 Këshilli Bashkiak Tiranë vendosi për miratimin e shembjes së godinës së Teatrit Kombëtar, bazuar në akt- ekspertizën e hartuar nga Instituti i Ndërtimit një ditë para vendimit, pra në datën 13 Maj 2020, në të cilën thuhej: “*Riparimi i objektit dhe sjellja në kushtet teknike të sotme, përbën një vështirësi. Ajo kërkon kosto të larta disa herë më tepër se kostoja minimale fiskale dhe një ndërhyrje rrënjosore në 90% të objektit. Kërkon ndërhyrje në themele, në strukturën mbajtëse të objektit, në catinë e objektit si dhe në soletat e ndërkateve. Ndërhyrja sado e madhe të jetë në object, nuk e sjell në kushtet optimale teknike të sotme sipas kodeve të projektimit*”

Dinamika e ngjarjes



Kompetencën për shëmbjen e Teatrit Kombëtar, Këshilli ja kaloi Inspektoriatit të Mbrojtjes së Territorit, i cili sipas këtij vendimi duhet të njoftonte 24 orë para prishjes së Tetarit Drejtorinë Vendore të Policisë Tiranë.





Në orët e para të mëngjesit, të datës 17 Maj, rreth orës 4.30, IMT e shoqëruar nga forca të shumta të policisë së shtetit nisen shëmbjen e Teatrit Kombëtar dhe Teatrit Eksperimental, nderkohe per shkak te masave ndaj Covid 19 qytetarët e kishin të ndaluar të dilnin nga banesat e tyre.



Aktivistët e Aleancës për Teatrin u nxorrën me forcë nga Godina e Teatrit në të cilën vijonin protestën e tyre por ndërkokë që vijonte prishja e Teatrit shumë qytetarë, aktivistë dhe artistë gjatë mëngjesit dhe ditës së hënë, 18 maj vijuan të protestonin dhe të konfrontohen me policinë.



Prishja e Teatrit u shoqërua edhe me reagime të shumta nga ndërkombe të cilët shprehën qëndrimet e tyre për mbrojtjen e trashëgimisë kulturore dhe rezervat që kishin mbi mungesën e një procesi të hapur konsultimi me qytetarët për këtë veprim.





RAPORT INFORMUES MARS-MAJ 2020

Ky monitorim është shtrirë në periudhën 9 Mars – 9 Maj 2020 duke përfshirë të gjitha Mbledhjet, vendimet dhe aksionin e Bashkisë dhe Këshillit Bashkiak Tiranë në këtë periudhë 2 mujore.

Burimet e informacionit: Të dhënat e paraqitura në këtë raport dhe Vendimet e Këshillit Bashkiak Tiranë janë siguarar nëpërmjet kërkesave për informacion drejtuar Këshillit Bashkiak, komunikimit me Anëtarë të Këshillit Bashkiak dhe shfletimit të njoftimeve në faqen e Bashkisë Tiranë dhe portaleve investigative.

“Ky raport u realizua nga Qëndresa Qytetare në kuadër të projektit QytetarIN me mbështetjen financiare të LevizAlbania, një projekt i Agjencisë Zvicerane për Zhvillim dhe Bashkëpunim, SDC. Mendimet dhe opinionet e shprehura në të i përkasin autorëve realizues dhe nuk përkojnë domosdoshmërisht me qëndrimet e donatorit.



Qëndresa
Qytetare

